



Informativni bilten Općine Novo Sarajevo



IZDVAJAMO:

- ***Završena “Ledena čarolija Općine Novo Sarajevo” na Vilsonovom šetalištu***
- ***Besplatna škola alpskog i nordijskog skijanja na planini Igman***
- ***Obilježavanje prve godišnjice od otvaranja Centra za zdravo starenje Velešići***

Informativni bilten Općine Novo Sarajevo

ODRŽANA 3. SJEDNICA OPĆINSKOG VIJEĆA NOVO SARAJEVO



U utorak, 31. januara održana je 3. sjednica Općinskog vijeća Novo Sarajevo, kojom je predsjedavala predsjedavajuća Općinskog vijeća Ana Baltić.

Na sjednici je usvojena Odluka o imenovanju Organizacionog odbora za obilježavanje 16. maja - Dana Općine Novo Sarajevo, koji je dužan organizovati aktivnosti i poslove za obilježavanje Dana Općine. Vijećnici su na 3. sjednici usvojili Plan korištenja javnih površina na području općine Novo Sarajevo za 2017. godinu, zatim Cjenovnik o visini naknade za postavljanje naziva firmi, reklama i drugih sadržaja na građevinama i fasadama na području općine Novo Sarajevo za 2017. godinu, kao i Program edukacije i

obuke o zaštiti okoliša općine Novo Sarajevo za 2017. godinu. Pred kraj današnje sjednice Općinskog vijeća, vijećnicima su podnesene i slijedeće informacije:

- o stanju javnog reda i mira i bezbjednost saobraćaja na području općine Novo Sarajevo, sa osvrtom na stanje kriminaliteta, za period oktobar-decembar 2016. godine,
- informacija Službe za zapošljavanje Kantona Sarajevo o stanju nezaposlenosti na području općine Novo Sarajevo za 2016. godinu,
- o funkcionisanju javnog gradskog saobraćaja na području općine Novo Sarajevo za 2016. godinu, te
- o stanju snabdijevanja prirodnim gasom na području općine Novo Sarajevo

Vijećničke inicijative i odgovori na vijećnička pitanja dati na 4. sjednici Općinskog vijeća Novo Sarajevo

BROJNE DELEGACIJE MEĐU KOJIMA JE I DELEGACIJA OPĆINE NOVO SARAJEVO POLOŽILE VIJENCE NA SPOMEN - OBILJEŽJE PRIPADNICIMA PRVE PROLETERSKE BRIGADE



Tradicionalni Igmanski marš, koji se održava u povodu sjećanja na 27. januar 1942. godine, jedne od najznačajnijih operacija tokom NOB-a u Drugom svjetskom ratu, održan je u subotu, 28. Januara 2017. godine. Tim povodom, na centralnom obilježavanju 75. godišnjice Igmanskog marša prisustvovalo je više od 10.000 osoba, među kojima su delegacije boračkih udruženja Pogorice, Dubrovnika, Makarske, Velenja, Ljubljane, Beograda, Kragujevca, Bajne Bašte, Užica, Mostara, Konjica, Jablanice, Tuzle, Zenice, Bihaća, Travnika, delegacija SUBNOR-a Kantona Sarajevo, te Općine Novo Sarajevo predvođena općinskim načelnikom

Nedžadom Koldžom.

Na spomen - obilježju pripadnicima Prve proleterske brigade na Velikom polju, koja je 28. januara 1942. godine, krećući se prema slobodnoj teritoriji u Foči, stigla do Velikog polja na planini Igman upriličeno je polaganje

Informativni bilten Općine Novo Sarajevo

PODRŠKA OPĆINE NOVO SARAJEVO FK „ŽELJEZNIČAR“



U okviru aktivnosti na realizaciji projekta „Evropska Grbavica“, a koji provodi FK „Željezničar“ sa ciljem obezbjeđivanja uslova za zadovoljavanje kriterija za održavanje utakmica u prvom i drugom pretkolu evropskih takmičenja, svoj doprinos dala je i Općina Novo Sarajevo.

Tim povodom, u Plavom salonu stadiona Grbavica u ponedjeljak, 30. januara održana je konferencija za medije na kojoj je načelnik Općine Novo Sarajevo

Nedžad Koldžo uručio ček za izgradnju istočne tribine. Prisutnim medijima obratili su se direktor FK „Željezničar“ Mirsad Šiljak, član Upravnog odbora Kluba Almir Hadžiosmanović, te općinski načelnik Nedžad Koldžo.

U svom obraćanju načelnik Koldžo istakao je kako Općina Novo Sarajevo izdvaja značajna sredstva za poboljšanje sportske infrastrukture na području općine, te da će to nastaviti i u narednom periodu, a naročito kada je u pitanju rekonstrukcija stadiona Grbavica.

- Prilikom usvajanja Budžeta za 2016. godinu planirali smo sredstva za pomoć u izgradnji istočne tribine stadiona Grbavica. Nakon niza problema sa kojim se FK Željezničar susretao, isti su konačno riješeni, tako da je sada priprzet na rekonstrukciji tribina stadiona, a Općina je za te namjene izdvojila finansijska sredstva koja sasvim sigurno nisu mala, a riječ je o 100.000 KM. Općina je svojevremeno finansirala obnovu reflektora, potpomogla u rekonstrukciji svlačionica za igrače i sudije, zatim postavljanje vještačke trave, a u toku su i završni radovi na izgradnji reflektora na pomoćnom terenu kako bi se omogućilo da Željine selekcije treniraju, te odigravaju utakmice i u večernji satima. Općina Novo Sarajevo je bila institucija koja je među prvima pomogla pri kupovini stolica prošle godine u okviru realizacije projekta “Kupi stolicu za evropsku Grbavicu”, istakao je općinski načelnik Nedžad Koldžo.

Medijima se obratio i član Upravnog odbora Kluba Almir Hadžiosmanović zahvalivši se Općini Novo Sarajevo i općinskom načelniku na izdvojenim sredstvima, te istakao da Željina porodica gradi stadion, a dio te porodice je i Općina Novo Sarajevo.

Mirsad Šiljak direktor FK Željezničar istakao je da je u veoma kratkom vremenu FK „Željezničar“ započeo dva projekta.

- Prvi projekat je bio “Kupi stolicu za evropsku Grbavicu” koji smo brzo završili uz pomoć navijača i prijatelja sporta. Drugi projekat je malo opsežniji i veći, a radi se o izgradnji istočne tribine i nadam se da ćemo uspjeti ispuniti obećani rok izvođenja radova. Sve ovo se dešava uz jednu veliku pomoć administracije Općine novo Sarajevo i zahvalio bih se na tome načelniku Koldži jer je bio upućen u sve procese poboljšanja infrastrukture našeg Kluba. Nadam se da ćemo uz pomoć ove Općine uspješno završiti i sljedeći projekat, a to je

Informativni bilten Općine Novo Sarajevo

OPĆINSKI NAČELNIK OBIŠAO POLAZNIKE ŠKOLE ALPSKOG I NORDIJSKOG SKIJANJA NA IGMANU



Općinski načelnik Nedžad Koldžo sa saradnicima u petak, 13. januara ove godine obišao je polaznike škole alpskog i nordijskog skijanja na planini Igman, na Malom i Velikom polju. I ove godine, Općina Novo Sarajevo obezbijedila je besplatnu obuku u alpskom skijanju za prvih 60 prijavljenih novosarajevskih osnovaca, a aranžman obuhvata: prijevoz, ski kartu (baby lift ili dvosjed), ski obuku, čaj za vrijeme pauze, smještaj za ski opremu, osiguranje i ljekarski nadzor. Obuke se realizuju u saradnji sa Sportskim savezom Kantona Sarajevo, a odvijaju se u četiri smjene.

Pored obuke alpskog skijanja, Općina Novo Sarajevo je za učenike novosarajevskih osnovnih škola organizirala i besplatnu obuku nordijskog skijanja na Igmanu – Veliko polje za 100 prijavljenih učenika, koju provodi UG SKI klub „Igman“. Zahvaljujući povoljnim vremenskim uvjetima za skijanje na olimpijskoj planini Igman stvoreni su i neophodni uslovi za realizaciju ovog tradicionalnog projekta općine, te će tako veliki broj učenika biti u mogućnosti i ove godine provesti svoj zimski raspust družeći se na zdrav i kvalitetan način.

U svom obraćanju Općinski načelnik Nedžad Koldžo istakao je kako Općina Novo Sarajevo svake godine provodi tri programa sportskih aktivnosti za učenike osnovnih škola Novog Sarajeva, školu alpskog i nordijskog skijanja, te školu plivanja, a ove godine za svu djecu organizirano je i besplatno klizanje na Vilsonovom šetalištu koje se provodi u okviru manifestacije „Ledena čarolija Općine Novo Sarajevo“. Pored sportskih aktivnosti, učenici novosarajevskih osnovnih škola tokom zimskog raspusta imali su priliku pohadati jednu od u pet kulturno – obrazovnih radionica u prostorijama Međunarodnog centra za djecu i omladinu Novo Sarajevo, a koje se provode u okviru realizacije projekta „Vanškolske aktivnosti 2016“.

IZGRAĐEN PARK ZA PSE U ULICI ALEJA LIPA NA GRBAVICI



Na području općine Novo Sarajevo u ulici Aleja lipa završeni su radovi na izgradnji parka za pse.

Park se nalazi uz šetnicu i dječije igralište, podijeljen je u dvije cjeline za manje i veće pse, a opremljen je standardnim urbanim mobilijarom (korpe za sitni otpad i klupe), zatim korpama za pseći izmet, te rekvizitima za igru i dresuru pasa, a ograđen je visokom panelnom ogradom.

Suglasnost za izgradnju parka za pse dali su Savjet MZ „Grbavica I“ i KJKP „Rad“.

Investitor je Općina Novo Sarajevo koja je za ove namjene izdvojila sredstva u iznosu oko 35. 000 KM. Izvođač radova je Babel d.o.o. Sarajevo.

Informativni bilten Općine Novo Sarajevo

REKONSTRUISAN DJEČIJI PARK ISPRED STAMBENO-POSLOVNOG OBJEKTA MALTA



Radovi na rekonstrukciji dječijeg parka ispred stambeno-poslovnog objekta Malta između br.17 i 25 privedeni su kraju. Igralište obuhvata ograđenu površinu od 402,19 m², a sadrži mobilijar za igru djece, kulu sa toboganom, penjalicom i ljuljačkom, klackalice, njihalicu i vrtuljak, te penjalicu sa toboganom. Park je opremljen klupama i korpama za otpatke, a površine pod rekvizitima su od gumenih podnica. Uz igralište je napravljen fitness park sa četiri rekvizita za razgibavanje za odrasle, a nabavku istih je finansirala Sparkasse Banka. Izvođač radova je firma „Mibral“ d.o.o. Sarajevo, a za ove namjene Općina

Novo Sarajevo izdvojila je sredstva u iznosu od 94.559 KM.

JAVNE RASPRAVE O NACRTU BUDŽETA OPĆINE NOVO SARAJEVO ZA 2017. GODINU



U okviru javnih rasprava o Nacrtu Budžeta Općine Novo Sarajevo i Programa rada Općinskog vijeća za 2017. godinu, u ponedjeljak i utorak, 17. i 18. Januara ove godine održane su javne rasprave u osam mjesnih zajednica sa područja općine. Građani mjesnih zajednica „Gornji Kovačići“, „Vraca“, „Pofalići II“, „Željeznička“ i „Čengić Vila II“, „Kvadrant“, „Trg heroja“, „Hrasno brdo“, „Grbavica I“ i „Kovačići“ imali su priliku iznijeti svoje prijedloge, mišljenja i sugestije na nacрте Budžeta i Programa rada Općinskog vijeća koji su im ovom prilikom prezentirani.

Primjedbe, prijedlozi, mišljenja i sugestije na Nacrt Budžeta Općine Novo Sarajevo za 2017. godinu mogu se dostaviti Općinskom načelniku putem Službe za oblast privrede i finansija Općine najkasnije do 31.01.2017. godine putem zborova građana u mjesnim zajednicama, poštom ili lično na adresu Zmaja od Bosne 55, ili putem e-maila: budzet@novosarajevo.ba.

Raspored i termini javnih rasprava po mjesnim zajednicama mogu se pogledati na oglasnim pločama mjesnih zajednica, kao i na web stranici Općine u linku „Javne rasprave“.

Služba za poslove opće uprave i mjesne zajednice Općine Novo Sarajevo, putem Centra za pružanje usluga građanima (šalter sale) u protekloj, 2016. godini primila je i obradila 23.767 predmeta. Ovjereno je i 982. 020 prepisa, rukopisa i potpisa, dok je u matičnom uredu izvršeno ukupno 2.156 upisa, a iz matičnih knjiga izdato 24.872 izvoda i uvjerenja.

Tokom 2016. godine ova služba zaprimila je 202 zahtjeva za pristup informacijama.

U toku postupka pribavljanja traženih informacija, uspješno su ostvareni kontakti sa Općinskim službama, tako da su tražene informacije dostavljane i prije krajnjeg zakonskog roka.

Informativni bilten Općine Novo Sarajevo

U 2016. GODINI NA PODRUČJU OPĆINE NOVO SARAJEVO SANIRANO OKO 35. 000 M² KOLOVOZNE POVRŠINE



Na području općine Novo Sarajevo u okviru tekućeg održavanja cesta po prioritetima mjesnih zajednica tokom 2016. godine izvedeni su radovi na 36 lokacija, a najveći zahvati su izvođeni u ulicama Isaka Samokovlije, Mustafe Behmena, Gornji Velešići 107, Muhameda ef Pandže od spomen obilježja do hotela Grand, zatim Gornji Velešići 433-194, te Gornji Velešići 132-158. Navedeni radovi podrazumijevali su sanaciju udarnih rupa, manje sanacije kolovoza i putnih objekata, postavljanje ivičnjaka i slivnika, popravak lokalnih oštećenja kolovoza, poboljšanje sistema odvodnje puta, sanaciju potpornih i obložnih zidova


zamjena oštećenih i postavljanje novih šahtova i slivnih rešetki na području 18 mjesnih zajednica.

Protekle godine, u okviru navedenog projekta sanirano je oko 35. 000 m² kolovozne površine, odnosno postavljeno je oko 7,4 km novog asfaltnog kolovoza.

Izvođač radova bila je firma SARAJEVOPUTEVI, a investitor Općina Novo Sarajevo koja je za održavanje cesta po prioritetima mjesnih zajednica za 2016. godinu izdvojila oko 920. 000 KM.

Vanredno održavanje cesta je ugovoreno za radove u ulicama: Grbavička, Ćamila Sijerića i Zahira Panjete u ukupnom iznosu od oko 235. 000 KM i radovi su završeni u ulicama Grbavička i Ćamila Sijeriće dok će se radovi u ulci Zahira Panjete započeti tokom građevinske sezone u 2017. godini

EDUKATIVNE RADIONICE I IZLOŽBE U OKVIRU MANIFESTACIJE „LEDENA ČAROLIJA OPĆINE NOVO SARAJEVO“



U okviru „Ledene čarolije Općine Novo Sarajevo“ u četvrtak 19. januara postavljena je izložba pod nazivom „Sarajevo 1878-1918“ autora Mirsada Avdića, višeg kustosa Muzeja Sarajeva.

Radi se o prvoj izložbi Muzeja Sarajeva postavljenoj na otvorenom, ovaj put u snježnom ambijentu, a građani uz izložene eksponate, u periodu od 13:00 do 16:00 sati imali su priliku dobiti i pojašnjenja kustosa muzeja. Izložbu je posjetio i načelnik Općine Novo Sarajevo Nedžad Koldžo sa saradnicima.

Izložba „Sarajevo 1878-1918“ prati period od Osmanskog razdoblja, jednog od najznačajnijih perioda u historiji Bosne i

Hercegovine, te nudi uvid u najznačajnije kulturne, političke, religijske, jezičke i vojne događaje Osmanskog perioda. Općinski načelnik Nedžad Koldžo potom je posjetio i Historijski muzej BiH koji u okviru manifestacije Ledena čarolija organizira turističku turu kroz grad za djecu od predškolskog do srednjoškolskog uzrasta iz Sarajeva. Tim povodom, djeca su sa turističkim vodičem posjetila značajne kulturno-historijske objekte u gradu, nakon čega je organizirana radionica u prostorijama Historijskog muzeja, a sve u cilju da djeca zimski raspust provedu što kvalitetnije. Tura kroz Sarajevo bit će organizirana do kraja Ledene čarolije Općine Novo Sarajevo, 25. januara.

Informativni bilten Općine Novo Sarajevo

NAKON MJESEC DANA KLIZANJA, ZABAVE I KREATIVNIH DRUŽENJA U SRIJEDU, 25. JANUARA ZAVRŠENA JE „LEDENA ČAROLIJA OPĆINE NOVO SARAJEVO“ NA VILSONOVOM ŠETALIŠTU



Tokom proteklih 32 dana, od 24. decembra „Ledena čarolija “ bila je otvorena svaki dan, pružajući priliku posjetiocima da potpuno besplatno koriste klizaljke i uživaju u radostima ovog sporta uz bogat muzički program poznatih sarajevskih DJ-eva, a prosječna posjećenost klizališta je bila oko 500 osoba dnevno.

Zahvaljujući prijateljima projekta kroz besplatnu obuku Royal Kinder Jelly škole klizanja prošlo je više od 350 djece, a na zatvaranju Ledene čarolije, polaznicima škole klizanja diplome je uručio načelnik Općine Novo Sarajevo Nedžad Koldžo. U svom obraćanju, općinski načelnik istakao je kako je ovo prvi put da Općina Novo Sarajevo organizuje jednu ovakvu manifestaciju na Vilsonovom šetalištu a sve sa ciljem da se svojoj djeci Sarajeva omogući što više besplatnih sadržaja tokom zimskog raspusta, a sve to u prelijepom ambijentu Vilsonovog šetališta.

- Ove zime svim posjetiteljima, a naročito našim najmađim sugrađanima, obezbijedili smo više od 17. 000 sati besplatnog klizanja, kao i mnoge druge kulturno-edukativne sadržaje, te time učinili da najpopularnije šetalište u gradu dobije drugu dimenziju, odnosno oživi i tokom zimskih dana. Besplatnu školu klizanja prošlo je 350 djece, a klizalište na Vilsonovom šetalištu je bilo najposjećenije u gradu, istakao je načelnik Koldžo, te dodao da će se "Ledena čarolija" na Vilsonovom šetalištu organizirati i naredne godine, odnosno da će postati tradicionalna manifestacija Općine Novo Sarajevo.

U kućicama postavljenim uz klizalište kroz mjesec dana provedene su brojne kulturne, edukativne i humanitarne aktivnosti. U okviru „Ledene čarolije“ Muzej Sarajeva i Historijski muzej predstavili su se kroz izložbu "Sarajevo 1878-1918" kao i edukativne radionice, potaknuta je razmjena pročitanih knjiga, nastupio je omladinski hor „Chorus Cadenza“, izloženi su likovni radovi i rukotvorine udruženja „Paleta Ćulhan“, Međunarodni centar za djecu i omladinu organizovao je ekološku radionicu, pruženi su pomoć i savjeti 5 pedijataru, prikupljena pomoć i uručeni dječiji novogodišnji paketići u okviru inicijative „Pomozi“, te je prikupljeno 200 kg plastičnih čepova, a novčana sredstva od njihove reciklaže usmjerit će se u fond za kupovinu kolica za osobe sa invaliditetom.

OBILJEŽENA PRVA GODIŠNJICE OD OTVARANJA CENTRA ZA ZDRAVO STARENJE VELEŠIĆI



Nastupom članova hora „Sevdalije“ u utorak, 17. januara ove godine počelo je svečano obilježavanje prve godišnjice od otvaranja Centra za zdravo starenje u naselju Velešići, na kojem su prisustvovali brojni gosti i prijatelji Centra, među kojima je načelnik Općine Novo Sarajevo Nedžad Koldžo sa saradnicima, predsjedavajuća Općinskog vijeća Novo Sarajevo Ana Baltić i vijećnici, predstavnici UNDP-BiH, te članovi Centra za zdravo starenje Općine Centar Sarajevo. Tim povodom gostima i članovima Centra obratila se izvršna koordinatorica Udruženja „Partnerstvo za javno zdravlje BiH“ Sejdefa Bašić Ćatić, te

općinski načelnik Nedžad Koldžo. U svom obraćanju, općinski načelnik istakao je da je otvaranjem ovog centra nastavljena implementacija projekta uspostave mreže centara na području Novog Sarajeva, što je ujedno i cilj ove općine kada je u pitanju briga za osobe treće životne dobi.

- Otvaranjem našeg prvog centra u Hrasnom postali smo prepoznatljivi u našoj državi, ali i šire, jer smo postavili nove standarde, te svoje dobro iskustvo prenijeli na neke sarajevske općine, općine u našoj zemlji, ali i u regionu. Iako briga o osobama treće životne dobi nije u našoj nadležnosti, mi smo se odlučili realizirati ove projekte kako bismo toj našoj populaciji omogućili ono što je evropskim standardima definisano kao minimum brige, kazao je načelnik Koldžo, te dodao da Općina Novo Sarajevo kreće sa planiranjem izgradnje i trećeg centra za zdravo starenje na području općine.

Jedna od najaktivnijih članica Centra za zdravo starenje Velešići, Merima Jusupović Murtić ovom prilikom izrecitovala je svoje dvije pjesme, te zahvalivši se Općini Novo Sarajevo i menadžmentu Centra izrazila svoje zadovoljstvo što je već godinu dana dio velike porodice koju čine centri za zdravo starenje Novo Sarajevo.

U 2016. godini u novosarajevske centre za zdravo starenje učlanjeno je više od 100 novih korisnika, tako da centar za zdravo starenje u Hrasnom i Velešićima zajedno broje do 600 članova.

U CENTRU ZA ZDRAVO STARENJE NOVO SARAJEVO OBILJEŽEN PRAVOSLAVNI BOŽIĆ



U prostorijama Centra za zdravo starenje Novo Sarajevo u utorak 10. januara ove godine organizovano je tradicionalno druženje članova Centra povodom pravoslavnog Božića. Proslavi povodom najvećeg pravoslavnog praznika prisustvovali su i predstavnici Općine Novo Sarajevo. Kao i prethodnih godina, članice Centra za zdravo starenje, za ovu priliku pripremile su tradicionalne božićne kolače, kojima su se počastili svi prisutni, kao i tortom koju je obezbijedio općinski načelnik.

Informativni bilten Općine Novo Sarajevo

U MEĐUNARODNOM CENTRU ZA DJECU I OMLADINU UPRIIČENA IZLOŽBA RADOVA, PROJEKCIJA KRATKOMETRAŽNOG FILMA, TE MINI KONCERT MALE ŠKOLE FLAUTE



U Međunarodnom centru za djecu i omladinu Novo Sarajevo u petak, 27. januara održana je završna manifestacija projekta „Vanškolske aktivnosti 2016. godine“, koji već treću godinu zaredom finansijski podržava Općina Novo Sarajevo.

U okviru Vanškolskih aktivnosti realizovano je pet besplatnih radionica za učenike novosarajevskih osnovnih škola u trajanju od šest mjeseci i to: Modni eko dizajn, Mala škola flaute, Fotografiska sekcija na temu „Zaštita okoliša“, snimanje filma „Na pola puta do uništenja“, Modni eko dizajn, te prezentacija

radova radionice „Čepo ćilim“ u okviru koje su djeca, po uzoru na bosansku šaru, uradila ćilim od čepova.

U okviru završne manifestacije projekta, na kojoj su prisustvovali brojni roditelji, djeca i gosti, među kojima je i načelnik Općine Novo Sarajevo Nedžad Koldžo sa saradnicima, u holu Međunarodnog centra održana je izložbe radova, dok su se projekcija filma i koncert Male flaute održali u sali Centra.

Rezultat filmske radionice je i uradak dokumentarno-edukativnog karaktera pod nazivom "Na pola puta do uništenja". Cilj filma je bio probuditi svijest o zaštiti okoliša i stanju u kojem se nalazi naše društvo, ali i planeta Zemlja. Glavne uloge igraju djeca koja su prvi put stala pred kamere, a poruka koju šalju je „Ako čovjek ne posveti potrebnu pažnju očuvanju i zaštiti životne sredine i održivog razvoja, ako i dalje nastavi sa neodgovornim ponašanjem, doći će u situaciju da se zatrpa i uguši u sopstvenim otpadnim materijama“.

Općinski načelnik Nedžad Koldžo iskoristio je priliku, te svim polaznicima čestitao na uspješno realiziranim radionicama, te se zahvalio na bogatom programu koji su pripremili u okviru završne manifestacije projekta.

U svom obraćanju direktorica Međunarodnog centra za djecu i omladinu Zorica Miličević istakla je kako je sveukupni cilj projekta ostvaren, jer se više od 60 djece novosarajevskih osnovnih škola družilo, naučili su se vještinama iz oblasti fotografije, filma, muzike i osjetili ljepotu kreativnosti, te im je ujedno i probuđena svijest o značaju čistog i zdravog okoliša.

REALIZIRAN PROJEKAT „UČIMO IT ZAJEDNO“

Udruženje „Organizacija porodica šehida i poginulih boraca Novo Sarajevo“ realizirala je projekat „Učimo IT zajedno“, kojeg je finansijski podržala Općina Novo Sarajevo putem Javnog poziva za finansiranje projekata iz oblasti boračko – invalidske zaštite.

U sali Općinskog vijeća Novo Sarajevo u ponedjeljak, 30. januara upriličena je završna manifestacija u okviru projekta, na kojoj su uručeni certifikati za 113 djece šehida i poginulih boraca, koji su uspješno završili kurseve web design-a i ECDL-a.

Svečanoj dodjeli certifikata prisustvovali su općinski načelnik Nedžad Koldžo sa saradnicima, vijećnici Općinskog vijeća Novo Sarajevo i predsjednik Federalne organizacije porodica šehida i poginulih boraca Armin Škrijelj.



Općina Novo Sarajevo

Sarajevo, 01. 01. 2017. godine

20 izdanje



**Bosna i Hercegovina
Federacija BiH
Kanton Sarajevo
Općina Novo Sarajevo**

Izdavač: Općina Novo Sarajevo

tel: +387 33 492 100

Fax: +387 33 644 559

Press: tel: +387 33 492 275/6

Fax: +387 33 492 342

E-mail: novosarajevo@novosarajevo.ba

press@novosarajevo.ba

www.novosarajevo.ba

UREĐIVAČKI TIM: *Aleksandra Hasečić, Sunčica Zuban, Adnela Šesto Ovčina*

FOTOGRAFIJE: *Damir Sablja*

DTP: *Odsjek za informacioni sistem, informisanje i odnose s javnošću*